

## Universal Declaration of Human Rights - Mòoré

© 1996 – 2009 The Office of the High Commissioner for Human Rights

This HTML version prepared by the *UDHR in Unicode* project, <http://www.unicode.org/udhr>.

---

### Ninsaal yel-segdl noy gānegr sebre (yūumd 1948)

Keoogre

B wilgame tɪ ninsaal bʊʊd fāa tara a burkīndlim la a yel-segdl tōod sēn pa yʊd a to, tɪ b pa tōen n dɪk tōod-bāmb n koos bɪ n tek a badawā, n yaa dūni wā bāan gāaga, ned fāa sēn so a vʊm tɪ yembd kaala, la wēg-taab kaalem dūni wā pʊgē yēgrā.

B wilgame tɪ ninsaal sēn da tog ne yel-segdl ninsā kaalmā waa ne bi-beelem la pāng buud toor-toor sēn sām dūni wā zāng sūuri, la b yākamen moon tɪ dūni ning sēn na n wa zīnd-a tɪ ninsaalbā na n wa so b mense, n tōe n gom b sēn date, n tē b sēn date, n wa yi rabeem, yaeesg la far buudā fāa pʊgē wā, n yaa ninsaal sēn baood ne a sūur fāa n yʊdā.

Tɪ sēn yʊd fāa yaa tɪ ninsaal yel-segdl wā tog n paamame tɪ b koglg-b ne noy buud sēn na yɪ tɪ ned ra wa bao a sēn na maan n pōs pān-wōrdem b sēn maand-a n kong n wēneg n kē wēnem maan n lebs pʊgē wā.

D sēn mi tɪ segdame tɪ d keng tēms ne taab zood yōkr zīndgrā.

D sēn mi tɪ nasōzini (tēmsā fāa lagem-n-taar kāsengā) le mooname n wilg b tēeb ninsaal burkīndlem la a tɪrlem pānga, pag la rao yel-segdl sēn zem taabā, tɪ b le wilgame tɪ b ratame n mao n paas ninsaalbā vʊm sōmblem tɪ yɪ ned fāa sēn so a meng vʊmē wā tɪ yel kāng pāng yʊg a pīndā.

D sēn mi tɪ tēms nins sēn be nasōzini lagem-n-taarā pʊgē lagma ne lagem-n-taarā n nk sard n na n sōng tɪ dūni wā pʊgē bɪ ned fāa tū ninsaalb yel-segdl wā sēn gāneg noy ninsā.

D sēn mi tɪ ninsaal yel-segdl noy bāmba gānegr sā n yɪ lagem-n-taarā ne a kēedbā n na n naag taab n maan-b n na n sōng tɪ b tūubā yɪ sōma wā.

Pipi koεεga.

Ninsaalbā fāa sā n doge, ned fāa so a menga, ned pa rogd n yaa yamb ye, nebā fāa zema taab b yel-segdl la b burkīndlem wεεngē. Nebā fāa tara yam la tagsgo, ned fāa togame n vʊund ne a to saam-biir pʊgē.

Koεεg a 2 soaba.

Ned fāa tara sor n tōe n dɪ seb-kānga sēn gāneg noy ninsā yōodo tɪ bakr buud ka zīnd ye, pa tūus f sēn yaa buud ning ye, f yīng kōbg sēn ya-a soab ye, f yaa pag bɪ rao ye, f wēnd-sor sēn ya-a soab ye, f sēn yāk n tik politik ninga, bɪ tēeb buud a to ye, f tarem sēn ya-a soab ye, f sēn dog ne b rāmb ye, bɪ būmd buud a taab sēn bakd ye.

Sēn paasde, pa tōe n tik ned tēng politik neng sēn ya-a soab n bak a soab noy-bāmbā yōod rub wεεngē ye, pa tūus tēngā sā n so a menga bɪ a sā n be zamaan a to yembdē.

Koεεg a 3 soaba.

Ned buud fāa tara sor n tōe n vʊunde, n soog a menga la a gūnug a menga.

Koεεg a 4 soaba.

Pa tog n dɪk ninsaal buudā fāa n maan yamb ye bɪ n weoog-a ye. Yembdā ne nebā koosgā gɪdgame, ba sēn wa n ya yembd buud nin fāa.

Koεεg a 5 soaba.

Pa tog n subg ninsaal buudã fãa ye, pa tog n subg ninsaal tɪ subgrã yɪ toog wɔsgo, tɪ pa sɛn na maan ninsaal ye.

Koεεg a 6 soaba.

Ned fãa tara sor tɪ sɛn wa n ya sɪŋg ning fãa, bɪ b sak n deeg a sɛn yaa ned ning buud bɔ-kaoor soog taoore.

Koεεg a 7 soaba.

Ninsaalbã fãa zema taab laloa taoore, b fãa tog n paama laloa wã koglgɔ tɪ bakr ba a ye pa zɪnd ye. Nebã fãa tara sor n tõe n paam tɪ b koglg-b ne bakr buud fãa sɛn na n wa maan n kɪs seb-kãnga noy wã sɛn gãnegã, ne bũmb nins sɛn na n wa ne bakr-bãmba.

Koεεg a 8 soaba.

Ned buud fãa tara sor n tõe n kɛng a tɛngɛ bɔɔd soog taoore n tɪ bɔ ne weoogre, subgr buud fãa b sɛn maan-a, tɪ ninsaalb yel-segdɪ sebrã gɪdge, tɪ laloa mi tiiri.

Koεεg a 9 soaba.

Pa tar sor n tõe n yõk ned zaalem, n pag-a roogo bɪ n yiis-a a tɛngɛ n tɪ ning zɪŋg a to tɪ laloa zɪ tiir ye.

Koεεg 10 soaba.

Ned buud fãa tara sor wa laloa sɛn wilgã, t'a yell ta bɔ-kaoodb sɛn so bɔɔdã, n tõe n kao tɪ pãn-dãmb ka lob b toogo, la sɛn bɔɔd sɪd taoore, tɪ b bɔ nin-buiid taoore n wilg a yel-segdɪ bɪ a tɪlae-yela, bɪ n wilg b sɛn yet tɪ yɛnda soabã maana bũmb ningã kongr sɛn taẽ.

Koεεg 11 soaba.

1. B sã n yeel tɪ ned maana bɔmb sɛn kis n dat n paalg-a, sã n pa b wa n bɔ-a lame tɪ bɔɔdã yɪ neb fãa taoore, t'a paam sɔangd sɛn mams n paas a poorẽ fãa, ket n ya wa yɛnda soabã pa maan bũmbã ye.

2. B pa tõe n bɔ ned n paalg-a bũmb a sɛn maan bɪ a sɛn pa maan yɪŋga, sã n mikame tɪ yellã sɛn maanã wakato, bɔɔd soog nengɛ yel bãmba ra pa kis ye. Sɛn paasd me, b sã n bɔ yellã, b pa tar sor n tõe n kɔ ned ning sɛn maan-a yellã subgre tɪ yug yellã sɛn maanã sasa laloa sɛn da gãneg subgr buud nins yel-bãmb wɛengɛ wã ye.

Koεεg 12 soaba.

[Missing]

Koεεg 13 soaba.

1. Ned buud fãa tara sor n tõe n gɔ a tɛngɛ, n kɛng zɪis nins fãa a sɛn date, la a yãk a sɛn dat n zɪndẽ.

2. Ned buud fãa tara sor n tõe n yi tɛngɛ n lebg n wa a meng tɛngɛ, a le tara sor n tõe n yi a meng tɛngɛ n kɛng tɛn-taaga la a le lebg n wa a tɛngɛ.

Koεεg 14 soaba.

1. Ned sã n wa be toog zug tɛngɛ tɪ b namsd-a wɔsgo, a soab tara sor n tõe n yi n bao gãag-sobend tɛms a taabẽ, a le tara sor n tõe n paam tɪ b reeg-a tɛn-bãmbẽ.

2. La sã n mikame t'a sën maanã, laloa gıdgame tı b mik tı yaa sıda, bı sã n mikame t'a sën maanã pa zems ne nasõzini (tëmsã lagem-n-taar kãsengã) sën gãneg noy ninsã, a pa tar sor-kãng ye.

Koεεg 15 soaba.

1. Ned buud fãa tara sor n tõe n paam têng-n-biilim tika.

2. B pa tar sor n tõe n wõr ned n menes a têng-n-biilim ye, b le pa tõe n gıdg-a t'a ra teem a têng-n-biilim ye.

Koεεg 16 soaba.

1. Pag ne rao yũmd sã n ta kãadem b tara sor n tõe n kē kãadem la b tilg yir tı pa tũus b yiibã buud sën ya-b rãmba, b têng-n-biilim bı b wënd sor tũudum. Kãadmã kēesg noy pũgē, b yiibã yel-segdi yaa a ye, pa yud to ye, kãadmã vum wakato la a kaoob wakat me b yel-segdi wã ya a ye.

2. Kãadem pa tõe n kēes tı pa tũ ne kãad-ratbã sakr sën pa tũ ne modgr ye.

3. Zak yaa têng yēgre (têng bõn-bulli). A yaa têng vum sũuri. Têngã neb togame n koglg-a, goosneerã (leta wã) togame n koglg-a.

Koεεg 17 soaba.

1. Ned buud fãa, f ya f ye bı f bee sull pœga, tara sor n so a bũmbu.

2. B pa tõe n wõr ned n deeg a sën so ye.

Koεεg 18 soaba.

Ned fãa tara sor n tõe n tags a sën date, n bõgs a sën date la a tũ wënd-sor ninga a sën date. Sor-kãng a sën tarã wεengē a tõeeme n teem wënd-sor n tũ bı n teem tēebo a le tõeeme n wilg a wënd-sor bı a tēebo ne kaorengo, maana maanego tı yı yēnda a ye bı n naag ne a taaba tı yı neb soka bı bãmb bal ne taaba.

Koεεg 19 soaba.

Ned buud fãa tara sor n tõe n tē a sën date la a gom a sën date, rēnda n kut tı ned pa tog n zoe rabeem ne a tēeb wilgri, la a tar sor n tõe n bao n bãng kibay la a paam kibay n tall-b n piuug zĩg fãa n pa ges tēmsã tods ye, tı yı ne rabay buud fãa a sën date.

Koεεg 20 soaba.

1. Ned buud fãa tara sor n tõe n paam n maan tigsga la lagem-n-taar sull sën pa tar yēla (sën pa na n wa ne gudgri).

2. B pa tõe n modg ned ab a ye t'a kē lagem-n-taar pũgē ye.

Koεεg 21 soaba.

1. Ned buud fãa tara sor n tõe n ning a toog a têng vum tũmē, a tõeeme n maan tũmd a toore bı tũ ne neb b sën yãk tı b let lagem-n-taara sull n tũmdē, tı nin-bãmb yãkrã yaa sën maan tı pa tũ ne modgr ye.

2. Nin-buiidã sën dat bũmb ninga la têngã zãab tũm tikda.

3. Nin-buiidã raabã wilgr tog n tũu ne vot sën na n maan tı zãmb ka zĩnd ye, votã me tara wakat sõor n tog n le maane, votã tõeeme n maan tı yı nin-buiid vote, bı gũs n vot buud a to sën wënd wa bãmba sën maand tı ned fãa tõe n yãk a sën dat-a soaba.

Koεεg 22 soaba.

Ne buud fãa, a sën yaa nin-buiidã ned a ye wã yĩnga, a toga ne ninsaalb yel gesg soogã sōngre. Sōngrã yaa arzeka, vum sōmblem la rog-n-mik wēengē sën yaa tulae ne ninsaal burkĩnd la a tɪrlem baoobo, a mengã yidgr yĩnga, sën na n tũ ne tēnga meng tsumde n paas tēms ne taab lagem-n-tum pāng tɪ zems ne tēng fãa tsum yōgeng sën ya to-to la a laog sën zem teka.

Koεεg 23 soaba.

1. Ned buud fãa tara sor n tõe n paam tsumde, n tõe n yāk a sën dat tsumd ninga tɪ tũ ne tsumdã kūun sën na n maan tɪ wēgb pa zĩnd ye, la b koglg-a ne tsumã kaalem.
2. Nebã fãa tog n paama yaood sën zems ne b sën maan tsumd ningã tɪ wēgb ka ye.
3. Ned ning fãa sën tumd-a toga ne yaood sën zems a sën maane, ti sën paamdã sek yēnda ne a zak rāmb vum tɪ yɪ burkĩnd pōgē, tɪ sã n mik tɪ segdame; bɪ a paam tɪ b paas-a sōngr buud a taaba.
4. Ned buud fãa tara soor n tõe n naag neb a taaba n lulg sēndika sulli (tontumdb sōngr sulli) sën na kogend tontumdbã nafo.

Koεεg 24 soaba.

Ned buud fãa tara sor n tõe n paam vussem la yō-noogre, būmb zāng la tsumã wakat sōor tek wilgri n paas vussem. Vusmã geendame n tar wakat-wakato, vusmã sasa b tog n yaoa a soaba.

Koεεg 25 soaba.

1. Ned buud fãa tara sor n tõe n paam tarem sën na n sek a meng la a zak rāmb laafi la b vum sōmblem baoobo, būmb zāng la rubã wēengē, yeelgrã (futã), zĩ-gāadgã, tɪbsgã n paas vumã sōmblem baoob tsum nins sën segd-b ne yē wã. A sã n wa pa tar tsumde, a sã n wa bēedē, a sã n wa lebg kamsa, a sã n wa lebg pōg-kōore bɪ ra-kōore, a sã n wa kusle bɪ būmb buud a taab sã n wa kɪt t'a pa le tõe n dɪlg la a ges a meng yelle, tɪ yaool n pa tũ ne yēnda a maan tɪ yellã paam-a, a togame n paam sōngre.
2. Biig pōg sasa la a yāadem wakato, a tara sor n tõe n paam sōngre la koglgō. Kamba fãa, f roga kāadem pōgē tɪ b rogame tɪ b ba rāmbã pa kē kāadem ne taaba, b fãa segda ne sōngre.

Koεεg 26 soaba.

1. Ned buud fãa tara sor n tõe n paam kaorengo. Kaorengã tog n yɪ zaalem, ba tɪ na yɪ yāadmē kaorengã (kaoren-sungã). Yaa tulae tɪ kambã paam kaoren-sungã. Tsum-minim la nus tsum zāmsg kaorengã togame n piuugi. Karen-do bedã kaorengã tog n maaname tɪ neb nins fãa bāngr sën sek be taabã paam n kē tɪ zāmb pa zĩnd ye.
2. Kaorengã sën tog n gēeg būmb nins yaa ninsaal mengã yidgri la ninsaal yel-segdi noy sebrã tūub pāng paasgo. Kaorengã togame n sōng tɪ tēmsã ne taab wum taab moore, buudã toor-toorã bɪ wēnd-sor tūudum toay-toayã wum taab moore, tɪ sull fãa sak a to sën yala la b yōg taab zoodo. A togame yasa n sōng tɪ nasōzini (tēmsã ne taab lagem-n-tay kāsengã) tsuma kēng taoore, sën na yil ti bāana gāand dūni wã pōgē.
3. Ba rāmbã n yaa pipi n tar sor n tõe n yāk wubr ning buud (kareng ning buud) bāmb sën dat tɪ b kambã paame.

Koεεg 27 soaba.

1. Ned buud fãa tara sor n tõe n ning a meng nin-buiidã rog-n-mik sull tsumē (vumē), n rɪ tsum-minmã bāngr yōodo la a naag n tɪm bāngrã baoob tsumē wã la a paam n dɪ tsum bāmba sën wat ne yōod ninsi.
2. Ned fãa tara sor n tõe tɪ b koglg a bāngr yōodo la a bāngr teedo, tɪ yaa sebr la a gɪls yã, bɪ yaa te-naands la a maan yã.

Koεεg 28 soaba.

Ned buud fãa tara sor n tõe n dat tɪ bãan zĩnd nebã ne taab sɔk tẽnsẽ wã, la tẽnsã ne taab sɔka, tɪ seb kãnga sẽn wilg yel-segdɪ nĩnsã tõog n paam n yɪ sɪda

Koɛɛg 29 soaba.

1. Nĩnsaal tara tɪlae-tɔum ne a neba (a nin-buiidu), bala a mengã yidgr pa tõe n maan tɪ pa yɪ na a nebã pɔgẽ vum ye.
2. Ned yel-segdɪ tũub pɔgẽ, la a sẽn tar sor n tõe n maan a sẽn datã wɛɛngã, ned fãa toaag sẽn tekẽ yaa laloa sẽn wilg bũmb nĩnsa, sẽn na yɪ n sɔng tɪ ned fãa bãng a to yel-segdɪ la a sẽn tar sor n tõe n maan a yam. Sẽn paasd me, yaa sẽn na yɪ tɪ b tõog n tũ nĩnsaal vum sɔmblem noy wã, nĩnbuiidã vum noy wã tũubu la nebã fãa vum sɔmblem baoobo, sã n yaa tẽng zãab buud ning sẽn ya nin-buiid naam n zãad-a wã.
3. Yel-segdɪ bãmbã la maan-m-yam bãmbã pa tõe n dɪk n maan tɪ pa yɪ wa nasõzini sẽn gãneg noy nĩnsã sẽn datã ye.

Koɛɛg 30 soaba.

Seb-kãngã gomd ba a ye pa tõe n wa rɪk t'a yɪ wa tẽng a ye, goosneer a ye bɪ ned a ye yell ye, t'a soab tik rẽnda n dat n maan bũmb sẽn na yɪ n sãam yel-segdɪ la maan-m-yam nĩns sebrã sẽn gomd-b rãmb yellã ye.

---